

玉函山房輯佚書

論語周生氏義說一卷魏周生烈撰案魏志周生烈  
敦煌人魏初徵士裴松之注姓周生名烈陸德明經  
典釋文序錄字文逢本姓唐魏博士侍中其說本之  
七錄邢昺論語序疏作字文逸攷馬總意林引周生  
列子四條其自序略云六蔽鄙夫敦煌周生烈字文  
逸則邢疏是而陸作文逢誤也其義說隋唐志皆不  
及著錄惟何晏集解採之凡十有四節皇侃疏明標  
周生烈而邢疏並作周曰或以集解有漢之周氏用  
是爲疑案劉昫敦煌實錄魏侍中周生烈本姓唐外

養周氏因爲姓然則周生之有氏實自烈始複稱周  
生單言周氏無不可者故邢昺修疏時從省作周曰  
也其說冉子退朝爲魯君之朝與鄭元解季氏私朝  
不合說鄉原爲所至之鄉輒原其人情而爲己意以  
待之更迂曲反於孟子然其他解悉純正朱子集注  
用之惜無從得其全書以甄覈是非爲可惜爾歷城  
馬國翰竹吾甫

論語周生氏義說

魏周生烈撰

公治長第五

子曰晏平仲善與人交久而敬之

齊大夫也晏姓平諡名嬰也

何晏集解邢昺疏本無二也字皇侃義

疏本有之据補

述而第七

子在齊聞韶三月不知肉味曰不圖爲樂之至於斯也

孔子在齊聞習韶樂之盛美故忽於肉味也集解

侃疏作故忽於肉味也疏云忽猶忘也邢昺疏作

故忽忘於肉味史記孔子世家襄陽集解引作周

氏曰忽作忘文選成公子

子曰有諸

言有此禱請於鬼神之事乎集解皇

泰伯第八

而今而後吾知免夫小子

乃今日而後我自知免於患難矣小子弟子也呼

者欲俟聽識其言也集解

鄉黨第十

祭於公不宿肉

助祭於公所得牲體歸則以班賜不留神惠也集解

邢本作助祭於君則作卽脫以字班作頌末脫也字

見冕者與蓐者雖褻必以貌

褻謂數相見必當以禮貌也集解邢本也作之

升車必正立執綏

正立執綏所以爲安也集解皇本有也字

翔而後集

回翔審觀而後下止也

集解皇本有也字

先進第十一

夫子喟然歎曰吾與點也

善點之獨知時也

集解史記仲尼弟子傳集解邢昺作善點獨知時

子路第十三

冉子退朝

謂罷朝於魯君也

集解陸德明釋文引云君之朝

其父攘羊而子證之

有因而盜曰攘

集解

憲問第十四

卞莊子之勇

卞邑大夫也

集解 皇本有也字

季氏第十六

未見顏色而言謂之瞽

未見君子顏色所趣向而便逆先意語者猶瞽者

也

集解 皇本瞽下有者字

陽貨第十七

子曰鄉原德之賊也



所至之鄉輒原其人情而爲己意以待之是賊亂  
德者也一曰鄉向也古字同謂人不能剛毅而見  
人輒原其趣向容媚而合之言此所以賊德也集解  
邢昺疏本而爲下脫己字  
賊德下脫者字末句無也字

論語釋疑一卷魏王弼撰弼有周易注周易畧例已  
各著錄隋書經籍志載弼撰論語釋疑三卷唐書藝  
文志云二卷陸德明經典釋文序錄與隋志同今佚  
間見引於釋文正義茲更從皇侃義疏採輯共得四  
十節合爲一卷其說志於道云道者無之稱也其說  
性相近云近性者正而卽性非正雖卽性非正而能  
之正譬如近火者熱而卽火非熱雖卽火非熱而能  
使熱浮虛憍悅老莊緒言觀前人論弼易何劭云不  
識物情孫盛云妙蹟無聞程子云元不見道朱子云

巧而不明此之釋論母亦與注易等乎然如釋老彭  
爲老聃彭祖廐焚爲公廐賜不受命爲不受爵作者  
七人爲伯夷叔齊虞仲夷逸朱張柳下惠少連皆與  
諸家殊別雖非確訓頗廣異聞攷右之儒或所不廢  
也歷城馬國翰竹吾甫

論語釋疑

魏王撰

學而第一

孝悌也者其爲仁之本與

自然親愛爲孝推愛及物爲仁也

皇侃義疏

爲政第二

五十而知天命

天命廢興有期知道終不行也

同上

六十而耳順

論語釋疑

鄭煥館補校

耳順言心識在聞前也

同上

孟懿子問孝四章

問同而答異者或攷其短或矯其失或成其志或

說其行

同上

八佾第三

林放問禮之本子曰大哉問

時人素本崇末故大其能尋禮本意也

同上

里仁第四

子曰參乎吾道一以貫之

貫猶統也夫事有歸理有會故得其歸事雖殷大  
可以一名舉總其會理雖博可以至約窮也譬猶  
以君御民執一統舉之道也同上

夫子之道忠恕而已矣

忠者情之盡也恕者反情以同物者也未有反諸  
其身而不得物之情未有能全其恕而不盡理之  
極也能盡理極則無物不統極不可二故謂之一  
也推身就物窮類適盡一言而可終身行者其唯  
恕也同上

公治長第五

對曰賜也何敢望回回也聞一以知十賜也聞一以知二

假數以明優劣之分言已與顏淵十裁及二明相

去懸遠也

同上

雍也第六

子見南子子路不悅夫子矢之曰予所否者天厭之天厭之

案本傳孔子不得已而見南子猶文王拘羑里蓋

天命之窮會也子路以君子宜防患辱是以不悅也否泰有命我之所屈不用於世者乃天命厭之非人事所免也重言之者所以誓其言也同上

述而第七

竊比於我老彭

老彭老聃彭是彭祖老子者楚苦縣厲鄉曲仁里人也姓老氏名耳字伯陽諡曰聃周守藏之史也邢昺正義於道



道者無之稱也無不通也無不由也況之曰道寂  
然無體不可爲象是道不可爲體故但志慕而已

同上

子曰加我數年五十以學易可以無大過矣

易以幾神爲教類淵庶幾有過而改然則窮神研  
幾可以無過明易道深妙形過明訓微信精粹熟

習然後有義也

皇侃  
義疏

子曰聖人吾不得而見之矣得見君子者斯可矣  
此爲聖人與君子異也然德足君物皆稱君子亦

有德者之通稱也

同上

子溫而厲威而不猛恭而安

溫者不厲厲者不溫威者必猛不猛者不威恭則不安安者不恭此對反之常名也若夫溫而能厲威而不猛恭而能安斯不可名之理全矣故至和之謂五味不形大成之樂五聲不分中和備質五材無名也

同上

### 泰伯第八

子曰興於詩立於禮成於樂

言有爲政之次序也夫喜懼哀樂民之自然感應而動則發乎聲歌所以陳詩採謠以知民志風旣見其風則損益基焉故因俗立制以達其禮也矯俗檢刑民心未化故必感以聲樂以和神也若不採民詩則無以觀風風乖俗異則禮無所立禮若不設則樂無所樂樂非則禮則功無所濟故三體相扶而用有先後也

同上

子曰如有周公之才之美使驕且吝其餘不足觀也已矣

人之才美如周公設使驕恣其餘無可觀者言才  
美以驕恣棄也況驕恣者必無周公才美乎設無  
設有以其驕恣之鄙也

同上

子曰狂而不直侗而不愿恇恇而不信吾不知之矣  
夫推誠訓俗則民俗自化求其情偽則儉心茲應  
是以聖人務使民皆歸厚不以探幽爲明務使姦  
僞不與不以先覺爲賢故雖明竝日月猶曰不知

也

同上

子曰巍巍乎舜禹之有天下也而不與焉

逢時遇世莫如舜禹也

同上

子曰大哉堯之爲君也巍巍乎唯天爲大唯堯則之  
蕩蕩乎民無能名焉

聖人有則天之德所以稱唯堯則之者唯堯於時  
全則天之道也蕩蕩無形無名之稱也夫名所名  
者於善有所章而惠有所存善惡相須而名分形  
焉若夫大愛無私惠將安在至美無偏名將何生  
故則天成化道同自然不私其子而君其臣惡者自  
罰善者自功功成而不立其譽罰加而不任其刑

百姓日用而不知所以然夫又何可名也

同上

子罕第九

大哉孔子博學而無所成名

譬如和樂出乎八音乎然八音非其名也

同上

沽之哉沽之哉我待價者也

重言沽之哉賣之不疑也故孔子乃聘諸侯以急

行其道也

同上

可與立未可與權

權者道之變變無常體神而明之存乎其人不可

豫設尤至難者也

同上

鄉黨第十

廐焚子退朝曰傷人乎不問馬

廐公廐也

陸氏釋文

孔子時爲魯司寇自公朝退而之

火所不問馬者矯時重馬者也

皇侃義疏

先進第十一

德行顏淵閔子騫冉伯牛仲弓言語宰我子貢政事

冉有季路文學子游子夏

此四科者各舉其才者也顏淵德之俊尤兼之矣

弟子才不徒十誡舉其美者以表業分名其餘則

各以所長從四科之品也

同上

顏淵死門人欲厚葬之子曰不可

有財死則有禮無財則已焉旣而備禮則近厚葬

矣故云孔子不聽也

同上

柴也愚參也魯師也僻由也喭子曰回也其庶乎屢

空賜不受命而貨殖焉憶則屢中

愚好仁過也魯質勝文也僻飾過差也喭剛猛也

其庶乎屢空庶幾慕聖忽忘財業而數空匱也命



爵命也憶憶度也于貢雖不受爵而能富雖不窮

理而幸中蓋不逮顏之庶幾輕四子所疵故稱于

曰以異之也

同上邢昺正義

浴乎沂風乎舞雩

沂水近孔子宅舞雩壇在其上壇有樹木遊者託

焉也

同上

顏淵第十二

司馬牛問仁子曰仁者其言也訥

情發於言志成則言疏思深則言訥也

同上

子曰聽訟吾猶人也必也使無訟乎

無訟在於謀始謀始司契而不責於是化之在

前也

那昂正義

憲問第十四

子曰君子而不仁者有矣夫未有小人而仁者也

假君子以甚小人之辭君子無不仁也

皇侃義疏

子曰其言之不怍則其爲之難

情動於中而外形於言情正實而後言之不怍上

子曰作者七人矣

七人伯夷叔齊虞仲夷逸朱張柳下惠少連皇侃義疏

邪僻正義

衛靈公第十五

子曰民之於仁也甚於水火水火吾見蹈而死者矣未見蹈仁而死者也

民之遠於仁甚於遠水火也見有蹈水火死者未

嘗見蹈仁死者也皇侃義疏邪僻正義

陽貨第十七

子曰性相近也習相遠也

不性其性焉能久行其正此是性之正也若心好  
流蕩失真此是性之邪也若以情近性故云性其  
情情近性者何妨是有欲若逐欲遷故云遠也若  
欲而不遷故曰近但近性者正而卽性非正雖卽  
性非正而能之正譬如近火者熱而卽火非熱雖  
卽火非熱而能使之熱能使之熱者氣也熱也能  
使之正者儀也靜也又知其有濃薄者孔子曰性  
相近也若全同也相近之辭不生若全異也相近  
之辭亦不得立今云近者有同有異取其共是無

善無惡有濃有薄則異也雖異而未相遠故曰近

也

皇侃義疏

如有復用我者吾其爲東周乎

言如能用我者不擇地面與周室道也

同上

佛肸召子欲往子路曰昔者由也聞諸夫子曰親於其身爲不善者君子不入也佛肸以中牟畔子之往也如之何子曰然有是言也不曰堅乎磨而不磷不日白乎涅而不緇吾豈匏瓜也哉焉能繫而不食孔子機發後應事形乃視擇地以處身資教以全

度者也故不入亂人之邦聖人通達慮微應變神  
化濁亂不能汚其潔凶惡不能害其性所以避難  
不藏身絕物不以形也有是言者言各有所施也  
苟不得繫而不食舍此適彼相去何若也同上  
子曰由也汝聞六言六蔽矣乎

不自見其過也同上

子曰禮云禮云玉帛云乎哉樂云樂云鐘鼓云乎哉  
禮以敬爲主玉帛者敬之用飾也樂主於和鐘鼓  
者樂之器也于時所謂禮樂者厚黃幣而所飾於

敬盛鐘鼓而不合雅頌故正言其義也

同上

子曰予欲無言子貢曰子如不言則小子何述焉子曰天何言哉四時行焉百物生焉天何言哉

予欲無言蓋欲明本舉本統末而示物於極者也夫立言垂教將以通性而弊至於湮寄旨傳辭將以正邪而勢至於繁既求道中不可勝御是以修本廢言則天而行化以淳而觀則天地之心見於不言寒暑代序則不言之令行乎四時天豈諄諄者哉

同上

微子第十八

朱張

朱張字子弓荀卿以比孔子今序六人而闕朱西

者明取舍與已合也

皇侃義疏 邢昺疏引作言其行與孔子同故不論也

陸德明釋文

引上二句





論語譙氏注晉譙周撰周字允南巴西西充國人仕  
蜀官至光祿大夫勸後主降魏封陽城亭侯入晉爲  
騎都尉遷散騎常侍不拜事蹟詳蜀志本傳七錄有  
譙周論語注十卷隋書經籍志云亡唐書藝文志不  
著錄而陸德明釋文序錄有之亦云十卷今佚唯釋  
文引一節續漢書劉昭注引一節夫周說主降讎孫  
綽譏其苟存孫盛謂其亡禮希利其人原無足取而  
耽古篤學著述自命陳壽評以詞理淵通爲世碩儒  
其言亦未可廢也輯錄一家所著五經然否論古史

考譙子法訓別爲哀訂以類著焉歷城馬國翰竹吾

甫

論語譙氏注

晉 譙周 撰

學而第一

不亦樂乎

悅深而樂淺

陸德明釋文

鄉黨第十

鄉人饑

饑却之也以羣矢射之

後漢書禮儀志劉昭注



論語衛氏集注一卷晉衛瓘撰瓘字伯玉河東人官至太保蘭陵成侯晉書有傳張璠周易集解取二十八家有衛瓘易義其書泯絕不可見隋書經籍志有集注論語六卷云晉八卷晉太保衛瓘注梁有論語補缺二卷宋明帝補衛瓘缺亡唐藝文志有宋明帝補衛瓘論語十卷陸德明釋文序錄云晉八卷少二卷宋明帝補闕隋唐之代已非全佚今則佚無傳者釋文正義間引一二茲採皇侃義疏及裴駰史記集解共得十五節合爲一卷其說若焉不如邱之好學

也訓焉爲安句屬下讀與何莫由斯道也句法同例  
頗得怪歎神吻以入則事公卿三事謂爲酒興皇侃  
申其義以爲朝廷閭門及有喪者並不爲酒田亦能  
於聖人立言得其倫次此雖不同時解而爲義頗長  
昔朱明補綴遺編蓋必有心折於其論說者惜乎全  
豹之無從得窺也歷城馬國翰竹吾甫

論語衛氏集注

晉 衛瓘 撰

爲政第二

子曰詩三百一言以蔽之曰思無邪

不曰思正而曰思無邪明正無所思邪邪去則合

於正也

皇侃  
義疏

子曰生事之以禮死葬之以禮祭之以禮

三家僭侈皆不以禮也故以禮答之也或問曰孔

子何不卽告孟孫乃還告樊遲耶答曰欲屬於孟

孫言其人不足委曲卽以示也

同上

### 公冶長第五

子曰十室之邑必有忠信如丘者

句

焉不如丘之好

學也

焉於虔反爲下句首

陸德明釋文

焉猶安也言十室之

邑雖小必有忠信如我者也安不如我之好學也

邢昺

所以忠信不如邱者由不能好學如邱耳苟

能好學則其忠信可使如丘也

皇侃義疏

### 雍也第六

於從政乎何有

何有者有餘力也

皇侃義疏

子曰賢哉回也一簞食一瓢飲人不堪其憂回也不改其樂賢哉回也

非大賢樂道不能若此故以稱之

史記仲尼弟子傳裴駢集解

述而第七

子與人歌而善必使反之而後和之

禮無不答歌以和相答也其善乃當和音不相反

故今更爲歌然後和也

皇侃義疏



子罕第九

子畏於匡曰文王既沒文不在茲乎天之將喪斯文也後死者不得與於斯文也天之未喪斯文也匡人其如予何

若孔子自明非陽虎必謂之詐晏然而言若是匡人是知非陽虎而懼害賢所以免也

同上

子曰出則事公卿入則事父兄喪事不敢不勉不爲酒困何有於我哉

三事爲酒興也

同上 皇侃云侃案衛意言朝廷閤門及有喪者並不爲酒所用故

六三事爲  
酒與也

鄉黨第十

車中不內顧

不掩人之不備也  
同上

子路第十三

子曰魯衛之政兄弟也

言治亂略同也  
同上

子曰南人有言曰人而無恒不可以巫醫善夫

言無恒之人乃不可以爲巫醫巫醫則疑談人也

而況其餘乎

同上

憲問第十四

子路問君子子曰修己以敬曰如斯而已乎曰修己以安人曰如斯而已乎曰修己以安百姓堯舜其猶病諸

此難事而子路狹掠之再云如斯而已乎故云過此則堯舜所病也

同上

子曰衆惡之必察焉衆好之必察焉

賢人不與俗爭則莫不可愛也俗人與時同好亦

則見好也凶邪善則莫不惡之行高志遠與俗  
違忤俗亦惡之皆不可不察也同上

王雨山方輯佚書曰

卷四十五

經編論語類

論語首序一卷

晉釋

論語終氏說一卷

晉穆

論語體略一卷

晉郭象

論語樂氏釋疑一卷

晉樂

論語讚注一卷

晉庾

論語釋一卷

晉史

論語李氏集注二卷

晉李充

玉函山房輯佚書

二 力如創刊  
四十五卷一

論語范氏注一卷

晉范甯

論語孫氏集注一卷

晉孫綽

論語梁氏注一卷

晉梁覲

論語袁氏注一卷

晉袁喬

論語自序一卷晉繆播撰播字宣則蘭陵人官至中書令晉書有傳此編載隋書經籍志云三卷唐韞藝文志云二卷宋志不著錄佚亡已久陸德明經典釋文序錄引一則皇侃義疏引尚有一十四節合訂一卷其於子見南子子路不悅通一解云或亦發孔子之答以曉衆也於子路三軍之問則曰因題目於回舉三軍以倒問將以叩道訓陶染情性故夫子應以篤憤以示厭中也於宰我三年之問則曰假時人之謂咎憤於夫子義在屈已以明道也立說具有卓見

論語旨序

卷二

四十五卷二

蓋賢人之過異於凡庸深原其情道近於恕且賢與  
聖發難送解亦合論語標名之義其他解皆清暢可  
誦顧安從訪其全書而枕秘之耶歷城馬國翰竹吾  
甫



論語自序

晉 繆播 撰

爲政第二

子曰吾與回言終日不違如愚

將言形器形器顏生所體莫逆於心故若愚也

皇侃

義疏

里仁第四

子曰唯仁者能好人能惡人

仁者人之極也能審好惡之表也故可以定好惡

若未免好惡之境何足以明物哉同上

公治長第五

子謂子貢曰汝與回也孰愈

學未尚名者多顧其實者寡回則崇本棄末賜也未能忘名存名則美著於物精本則名損於當時故發問以要賜對以示優劣也所以抑賜而進回也同上

雍也第六

子見南子子路不悅夫子矢之曰予所否者天厭之

天厭之

應物而不擇者道也兼濟而不辭者聖也靈公無  
道蒸庶困窮鍾救於夫子物困不可以不救理鍾  
不可以不應應救之道必明有路路有南子故尼  
一父見之涅而不緇則處污不辱無可無不可故兼  
濟而不辭以道觀之未有可猜也賢者守節怪之  
宜也或以亦發孔子之答以曉衆也否不也言體  
聖而不爲聖者之事天其厭塞此道耶同上

述而第七

子謂顏淵曰用之則行舍之則藏唯我與爾有是夫  
子路曰子行三軍則誰與子曰暴虎馮河死而無悔  
者吾不與也必也臨事而懼好謀而成者也

聖教軌物各應其求隨長短以抑引隨志分以誘  
導使歸於會通合乎道中以故剛勇者屈以優柔  
儉弱者厲以求及由之性也以勇爲累常恐有失  
其分覓功銜世故因題目於回舉三軍以例同將  
以叩道訓陶染情性故夫子應以薦誨以示厥中

也

同上

先進第十一

顏淵死子曰噫天喪予天喪予

夫投竿測深安知江海之有懸也何者俱不究其極也是以西河之人疑子夏爲夫子武叔賢子貢於仲尼斯非其類耶顏回盡形形外者神故知孔子理在回知淵亦唯孔子也同上

顏淵第十二

死生有命富貴在天

死生者所稟之性分富貴者所遇之通塞人能命

善之以福不能令所稟異分分不可易命也能修道以待賈不能適時必泰泰不可必天也天之爲言自然之勢運不爲主人之貴賤也

同上

衛靈公第十五

子曰志士仁人無求生以害仁有殺身以成仁

仁居理足本無危亡然賢而圖變變則理窮窮則任分所以有殺身之義故比干割心孔子曰殷有

三仁也

同上

子曰有教無類

世咸知斯旨之崇教未信斯理之諒深生生之類  
同稟一極雖下愚不移然化所遷者其萬倍也若  
生而聞道長而見教處之以仁道養之以德與道  
終始乃非道者余所以不能論之也

同上

季氏第十六

自大夫出五世希不失矣陪臣執國命三世希不失  
矣

大夫五世陪臣三世者苟得之有由則失之有漸  
大者難傾小者易滅近本罪輕遠彌罪重輕故禍



遲重則敗速二理同致自然之差也上同

陽貨第十七

子之武城聞絃歌之聲夫子莞爾而笑曰割雞焉用牛刀子游對曰昔者偃也聞諸夫子曰君子學道則愛人小人學道則易使也子曰二三子偃之言是也前言戲之耳

子游宰小邑能令民得其所絃歌以樂也惜其不得導千乘之國如牛刀割雞不盡其才也夫博學之言亦可進退也夫子聞鄉黨之人言便引得射



御子游聞絃歌之喻且取非宜故曰小人學道則  
易使也其不知之者以爲戲也其知之者以爲聖  
賢之謙意也

同上

子曰禮云禮云玉帛云乎哉樂云樂云鐘鼓云乎哉  
玉帛禮之用非禮之本鐘鼓者樂之器非樂之主  
假玉帛以達禮禮達則玉帛可忘借鐘鼓以顯樂  
樂顯則鐘鼓可遺以禮假玉帛於求禮非深乎禮  
者也以樂託鐘鼓於求樂非通乎樂者也苟能禮  
正則無恃於玉帛而上安民治矣苟能暢和則無



借於鐘鼓而移風易俗也

同上

宰我問三年之喪期已久矣一章

爾時禮壞樂崩而三年不行宰我不懼其往以爲  
聖人無微旨以戒將來故假時人之謂咎憤於夫  
子義在屈己以明道也予之不仁者何答曰時人  
失禮人失禮而予謂爲然是不仁矣言不仁於萬  
物又仁者施與之名非奉上之稱若予安稻錦廢  
此三年乃不孝之甚不得直云不仁

同上

子張第十九

子夏曰小人之過也必文

君子過由不及而失非心之病務在改行故  
無吝也其失之理明然後得之理著得失既辨故  
過可復改也小人之過生於情僞故不能不飾飾  
則彌張乃是謂過也

同上

論語繆氏說一卷繆協撰協不詳何人梁七錄隋唐志陸氏經典敘錄皆不載唯皇侃義疏引凡二十七節考侃疏序稱江熙集解論語十三家有繆播而無繆協茲就皇疏所引錄爲一卷卽附繆協之後書中引中正二條稱官而不名蓋必素所尊禮者惜亦不能詳考爲誰氏矣存以俟博雅君子論定焉歷城馬國翰竹吾甫

論語繆氏說

晉 繆協 撰

公冶長第五

子曰巧言令色足恭

恭者從物凡人近情莫不欲人之從已足恭者以  
恭足於人意而不合於禮度斯皆適人之適而曲

媚於物也

皇侃  
義疏

述而第七

雖執鞭之士吾亦爲之

論語繆氏說

袁氏曰執鞭君之御士亦有祿位於朝也

司

子釣而網弋不射宿

將令物生有路人殺有節所以易其生而難其殺

也

同上

子曰丘也幸苟有過人必知之

諱則非諱斯誠然矣若受以爲過則所以諱者又以明矣亦非諱也向司敗之問則詭言以爲諱今巫馬師徒將明其義故向之言爲合禮也苟曰合禮則不爲諱矣今若不受爲過則何禮之有乎

皇

義疏邢昺疏引作曰鄉司敗之間詭以爲諱  
今苟將明其義故曰鄉之言爲合禮也餘同

### 泰伯第八

子曰泰伯其可謂至德也已矣三以天下讓民無得  
而稱焉

泰伯三讓之所爲者季歷文武三人而王道成是  
三以天下讓也其讓之跡詭當時莫能知故無以  
稱焉可謂至德也

皇侃  
義疏

籩豆之事則有司存

曾子謙不以遠理自喻且敬予近人故以常言語

悟之冀其必悟也別通曰籩豆禮器可以致敬於宗廟者言人能如上三貴則祝史陳信無愧辭故有司所存籩豆而已

同上

子曰可以託六尺之孤可以寄百里之命臨大節而不可奪也君子人與君子人也

夫能託六尺於其臣寄顧命於其下而我無二心彼無二節授任而不失人受任而不可奪故齊必同乎君子之道審契而要終者也非君子之人與君子者孰能要其終而均其致乎

同上



子曰好勇疾貧亂也

好勇則剛武疾貧則多怨以多怨之人習於武事  
是使之爲亂也同上

子曰學如不及猶恐失之

中正曰學自外來非夫內足恒不懈惰乃得其用  
如不及者已及之猶恐失者未失也言能恐失之  
則不失如不及則能及也同上

子罕第九

子聞之曰太宰知我乎

我信多能故曰知我

同上

君子多乎哉不多也

君子從物應務道達則務簡務簡則不多能也

同上

牢曰子云吾不試故藝

此蓋所以多能之義也言我若見用將崇本息末  
歸純反素兼愛以忘仁遊藝以去藝豈唯不多能  
鄙事而已

同上

子曰吾有知乎哉無知也有鄙夫來問於我空空如  
也我叩其兩端而竭焉

夫名由跡生故知從事顯無爲寂然何知之有唯其無也故能無所不應雖鄙夫誠問必爲盡其本末也同上

子曰鳳鳥不至河不出圖吾已矣夫

夫聖人達命不復俟此乃知也方遣知任事故理至乃言所以言者將釋衆庶之望也同上

勇者不懼

見義而爲不畏彊禦故不懼也同上

鄉黨第十

論語繆氏說

不疾言

車行則言傷疾也

同上

色斯舉矣翔而後集

自親指以上鄉黨拘拘之禮應事適用之跡詳矣  
有其禮而無其時蓋天運之極也將有遠感高興

故色斯舉矣

同上

先進第十一

顏淵死顏路請子之車以爲之槨

顏路之家貧無以備禮而顏淵之德美利於聖師

喪予之感痛之愈深二三子之徒將厚其禮路卒情而行恐有未允而未審制義之輕重故託請車

以求聖教也

同上

子曰才不才亦各言其子也鯉也死有棺而無槨吾不可徒行以爲之槨以吾從大夫之後吾以不可徒行

子雖才不可貧求備雖不才而豐儉亦各有禮制之由父故鯉死也而無槨也

同上

顏淵死子哭之慟從者曰子慟矣子曰有慟乎非夫

人之爲慟而誰爲慟

聖人體無哀樂而能以哀樂爲體不失過也

同上

季氏富於周公而求也爲之聚歛以附益之子曰非吾徒也小子鳴鼓而攻之可也

季氏不能納諫故求也莫得匡救匡救不存其義屈故曰非吾徒也攻譏於求所以深疾季氏子然

問明其義也

同上

所謂大臣者以道事君不可則止今由與求也可謂具臣矣

中正曰所以假言二子之不能盡諫者以說季氏

雖知貴其人而不能敬其言也

同上

子路使子羔爲費宰子曰賊夫人之子子路曰有民人焉有社稷焉何必讀書然後爲學子曰是故惡夫佞者

子路以子羔爲學藝可仕矣而孔子猶曰不可者欲令愈精愈究也而於時有以佞才惑世竊位要名交不以道仕不由學以之宰牧徒有民人社稷比之子羔則長短相形子路舉茲以對者所以深

疾當時非美之也夫子善其來旨故曰是故惡夫  
佞者此乃斥時豈識由乎同上

顏淵第十二

子曰是聞也非達也

聞者達之名達者聞之實而殉爲名者衆體實者  
寡故利名者飾僞敦實者歸真是以名分於聞而  
道隔於達也同上

在邦必聞在家必聞

世亂則佞人多黨盛則多聞斯所謂欺衰運疾弊



俗同上

子路第十三

曰敢問其次曰宗族稱孝焉鄉黨稱悌焉

雖孝稱於宗族悌及於鄉黨而孝或未優使於四方猶未能備故爲之次者也同上

曰敢問其次曰言必信行必果硜硜然小人哉抑亦可以爲次矣

果成也言必合平信行必期諸成君子之體其業大哉雖行硜硜小器而能必信必果者取其共有

成抑亦可以爲士之次也

朋友切切惺惺兄弟怡怡如也

以爲朋友不唯切磋亦貴和諧兄弟非但怡怡亦須戒厲然朋友道缺則面朋而匿怨兄弟道缺則鬩牆而外侮何者憂樂本殊故重弊至於恨匿將欲矯之故云朋友切切惺惺兄弟怡怡如也切切惺惺相切責之貌也怡怡和順之貌也

同上

子曰善人教民七年亦可以卽戎矣

亦可以卽戎未盡善義也

同上

論語體略一卷晉郭象撰象字子元河內人官至太傅主簿晉書有傳此編隋經籍志唐藝文志並云二卷陸德明釋文序錄不著目蓋其書在唐時惟秘閣有之世少傳者今則散佚皇侃義疏引凡九節輯爲一卷考象嘗注莊子襲取向秀之言頗爲世所詬病解說經義度亦未必盡有心得然江熙集解列論語十三家有郭象其言與衛瓘范甯諸人同採蓋亦有表見於當時者今玩其佚說不離元宗而尚自暢達晉人經解取備一家聊寄妮古之意云爾象別有論



語隱亦佚考訂另錄次此卷後歷城馬國翰竹吾甫

論語體略

晉 郭象 撰

爲政第二

子曰爲政以德譬如北辰居其所而衆星共之

萬物皆得性謂之德夫爲政者奚事哉得萬物之性故云德而已也得其性則歸之失其性則違之

皇侃  
義疏

子曰導之以政齊之以刑民免而無恥導之以德齊之以禮有恥且格

政者立常制以正民者也刑者與法辟以割物者也制有常則可矯法辟與則可避可避則違情而苟免可矯則去性而從制從制外正而心內未服人懷苟免則無恥於物其於化不已薄乎故曰民免而無恥也德者得其性者也禮者體其情者也情有可恥而性有所本得其性則本至體其情則知至知恥則無刑而自齊本至則無制而自正是以導之以德齊之以體有恥且格同上

述而第七

子在齊聞韶三月不知肉味曰不圖爲樂之至於斯也

傷器存而道廢得有聲而無時

同上

### 秦伯第八

子曰禹吾無間然矣

舜禹相承雖三聖故一堯耳天下化成則功美漸去其所因循常事而已故史籍無所稱仲尼不能間故曰禹吾無間然矣

同上

### 先進第十一

顏淵死子哭之慟從者曰子慟矣子曰有慟乎非夫  
人之爲慟而誰爲慟

人哭亦哭人慟亦慟蓋無情者與物化也

同上

憲問第十四

子路問君子子曰修己以敬曰如斯而已乎曰修己  
以安人曰如斯而已乎曰修己以安百姓修己以安  
百姓堯舜其猶病諸

夫君子者不能索足故修己索己故修己者僅可  
以內敬其身外安同己之人耳豈足安百姓哉



姓百品萬國殊風以不治治之乃得其極若欲修  
己以治之雖堯舜必病況君子乎今堯舜非修之  
也萬物自無爲而治若天之自高地之自厚日月  
之明雲行雨施而已故能夷暢條達曲成不遺而  
無病也

同上

### 衛靈公第十五

子曰吾之於人也誰毀誰譽如有所譽者其有所試  
矣斯民也三代之所以有道而行也

無心而付之天下者直道也有心而使天下從已

者曲法故直道而行者毀譽不出於區區之身善  
與不善信之百姓故曰吾之於人誰毀誰譽如有  
所譽必試之斯民也

同上

子曰吾嘗終日不食終夜不寢以思無益不如學也  
聖人無詭教而云不寢不食以思者何夫思而後  
通習而後能者百姓皆然也聖人無事而不與百  
姓同事事同則形同是以見形以爲己異故謂聖  
人亦必勤思而力學此百姓之情也故用其情以  
教之則聖人之教因彼以教彼安容詭哉

同上

陽貨第十七

孔子曰諾吾將仕矣

聖人無心仕與不仕隨世耳陽虎勸仕理無不諾  
不能用我則無自用此直道而應者也然危遜之  
理亦在其中也

同上